

Ушбу сонда:
СУВ ИСТЕЪМОЛИ ЁҚАДИ-Ю, ТЎЛОВИ ЧАҚАДИМИ?
“ЁШЛАР ЮРИДИК КЛИНИКАСИ” ИШ БОШЛАДИ

ПОКЛИК ИЙМОННИНГ ЯРМИДИР
Балиқчилик кластери: ДУДЛАНГАН БАЛИҚ, КОНСЕРВА ИШЛАБ ЧИҚАРАМИЗ

Дилкаш лаҳзалар


“НЕФТЧИ” ВА “ТУРОН” СУПЕРЛИГАГА ЧИҚАДИ...МИ?



Фарғона ҳақиқати

ФАРҒОНА ВИЛОЯТИ ҲОКИМЛИГИНИНГ БОШ НАШРИ

Омадни саҳарлардан кидиринг. Испан ҳикмати.



Газета 1917 йил 14 октябрдан чиқа бошлаган @ farhaqiqat.uz @farhaqiqati 2020 йил 4 ноябрь, чоршанба № 86 (24475)

Фарғонаниннг олтин кузи

Табиатнинг ҳар фасли ўзига хос гўзал ва ҳаётимизда ўз ўрнига эга. Қандайдир бир таровати бордек. Инсон умри ҳам айнан мана шу тўрт фаслга қиёсланади. Ҳозир бутун оламда олтин куз фасли ҳукмронлик қилмоқда. Мўъжизакор куз нафақат салқинлик, ёмғирлар ва булутли осмон фасли, балки у рангларнинг гўзал жилоланиши фасли ҳам ҳисобланади.

Муқимжон ҚОДИРОВ олган суратлар.

Кун жараёни

Хайрулло БОЗОРОВ: “ҲАР БИР ТАДБИРКОР ТАШАББУСНИ ҚЎЛЛАБ-ҚУВВАТЛАЙМИЗ”

“Тадбиркорлар уйи”да вилоят ҳокими вазифасини бажарувчи Хайрулло Бозоровнинг шаҳар-туманлардан келган тадбиркорлар билан юзма-юз мулоқоти бўлиб ўтди.

Б ахтиёр Турсунов Дангара туманида ўз маблаглари ҳисобидан ёшлар маркази қуришни режалаштирган. Шунингдек, Ўзбекистон туманидаги “Боғи бўстон Озодхон” боғдорчилик хўжалиги фаолиятини янада ривожлантириш ниятида. Учрашувда вилоят раҳбари унинг Дангара тумани марказидан ер ажратиш, фермер хўжалиги экспорт салоҳиятини оширишга ёрдам бериш бўйича қилган мурожаати қисқа фурсатда ижобий ҳал этилишига ваъда берди.

“Тошлоқ садда насли чорва” фермер хўжалиги раҳбари Зоҳиджон Ражабовнинг озуқа базаси учун қўшимча ер ажратиш, “Тогаев Муҳаммадбобур” деҳқон хўжалиги бошлиги Муҳаммадбобур Тогаевнинг аҳоли хонадонларига тарқатилган 90 млн. сўмлик товуқ пулини ундириб бериш борасидаги мурожаати мутасадди раҳбарлар иштирокида ўрганилди.

Юзма-юз суҳбатда тадбиркорларнинг банк кредитлари, бўш турган бино-иншоотлардан фойдаланиш ва ер олиш, ишлаб чиқариш фаолиятини кенгайтириш, хизмат кўрсатиш ва сервис шохобчалари ташкил этиш, инновацион лойиҳаларни амалга ошириш, коммуникация тармоқларига уланish, электр, табиий газ ва ичимлик суви таъминоти билан боғлиқ муаммо ва масалаларни белгиланган муддатда ҳал этиш борасида мутасаддиларга аниқ вазифалар топширилди.

Ёш тадбиркор Ҳусниддин Абдуқаҳоров Фарғона шаҳрининг аҳоли гавжум ҳудудларида инновацион пиёдалар йўлигини ташкил этишни мақсад қилган. Вилоят ҳокими унинг бизнес-режасига қизиқиш билдириб, аҳоли турмуш фаровонлиги, ҳаёти хавфсизлигини таъминлашда бундай лойиҳаларни рўёбга чиқариш муҳим аҳамиятга эга эканлигини таъкидлади.

— Вилоятимизнинг шаҳар-туманлари кесимида тадбиркорлик, саноат, ишлаб чиқариш, хизмат кўрсатиш ва сервис тармоқлари салоҳиятини ўрганиб, ҳар бир ҳудуд бўйича истиқболли лойиҳаларни амалга оширишни режалаштирганмиз, — деди вилоят раҳбари. — Шу боис, янги иш ўринлари яратиш, оилаларни муқим даромад манбаи билан таъминлашга қаратилган тадбиркорлик ташаббусларини тўлиқ қўллаб-қувватлаймиз.

Самимий мулоқот якунида Хайрулло Бозоров ташаббус йўқ жойда тараққиёт бўлмаслиги, шу сабабли доимо фаол тадбиркорларнинг ташаббусларини рағбатлантириш кераклигини таъкидлаб ўтди.

Ботир МАДИЁРОВ. Суратларни Элёр ОЛИМОВ ташди.

Мақола вилоят ҳокимлигида муҳокама этилди

Хоккейчи қизларга барча шароитлар яратилади

“Фарғона ҳақиқати” газетасининг 31 октябрдаги 85-сонида Қўштепа туманидаги “Шомирза” маҳалла фуқаролар йиғини ҳудудидаги болалар ва ўсмирлар спорт мактаби чим устида хоккейчи қизлар жамоаси фаолиятига оид “Шароит йўқ, ammo шижоатли ёшлар бор” сарлавҳали танқидий мақола эълон қилинган эди. Мазкур мақола вилоят ҳокимлигида муҳокама қилинди.

Вилоят ҳокими вазифасини бажарувчи Хайрулло Бозоров газетда кўтарилган долзарб масалага муҳокамада сўзга чиққан вилоят ҳокимининг ўринбосари Файзулло Қосимов, Қўштепа туман ҳокими Илём Новиков вилоят жисмоний тарбия ва спорт бошқармаси билан ҳамкорликда болалар ва ўсмирлар спорт мактабини спорт анжумлари билан таъминлаш, бино-иншоотларни таъмирлаш чораларини кўришга ваъда бердилар.

Чим устида хоккейчи қизлар жамоаси нафақат вилоят, балки мамлакатимиз шарафини халқаро спорт майдонларида ҳимоя қилиб келмоқда. Хусусан, Осиё ўйинларида эришган ютуқлари Олимпия саралаш баҳсларида иштирок этиш ҳуқуқини берди. Шундай экан, бу масалага Ўзбекистон Республикаси Жисмоний тарбия ва спорт вазирлигини жалб этиш, спортчи ёшларни қўллаб-қувватлаш, рағбатлантириш, керакли жиҳозлар билан таъминлаш муҳим эканлиги таъкидлаб ўтилди.

Вилоят раҳбари чим устида хоккей спорт иншооти қуриш, замонавий жиҳозлар билан таъминлаш хусусида аниқ топшириқлар берди.

— Биз вилоятимиз хоккейчи қизлар жамоаси эришган ютуқларидан ҳақли равишда фахрланамиз. Жамоани ҳар томонлама қўллаб-қувватлаш, уларни нафақат мамлакатимиз, балки халқаро спорт мусобақаларида муносиб иштирок этишлари учун керакли бўлган барча шароитларни яратиб берамиз, — деди вилоят ҳокими.

Дикқат!

ЭШИТМАДИМ ДЕМАНГЛАР!

“Фарғона ҳақиқати” – “Ферганска я правда” газеталари бирлашган таҳририяти жамоаси Фарғона тумани аҳолисини очиқ мулоқотга таклиф этади.

Шу йилнинг 5 ноябрь куни соат 10:00 да туман марказий маданият уюда таҳририят жамоаси Фарғона тумани аҳолиси билан учрашади. Учрашувда таҳририятнинг ижодий режалари ҳақида сўз боради, газетхонларнинг таклиф ва мулоҳазалари эшитилади.

Шу куни соат 9:30 да таҳририят ходимлари томонидан аҳолининг ариза ва шикоятлари қабул қилинади.

Муносабат

Д авлатимиз раҳбарининг маърузаси нафақат мамлакатимизда, балки бутун дунёда катта қизиқиш уйғотди, десак муболаға бўлмас, негаки Президентимиз ички муаммолар билан чекланиб қолмай, глобал масалалар ҳақида ҳам гапирди. Жумладан, мамлакатимиз иқтисодиётида амалга оширилаётган ислохотлар тилга олинб, дунё ҳамжамияти учун аҳамиятли бўлган саккизта ташаббус илгари сурилди. Шу жумладан, БМТ ҳомийлигида пандемия даврида давлатларнинг ихтиёрий мажбуриятлари

СИЁСИЙ СУСТКАШЛИК БЕФАРҚЛИК ДЕМАКДИР

Маълумки, шу йилнинг 23 сентябрь куни БМТ Бош Ассамблеясининг 75-сессияси бўлиб ўтди. Пандемия туфайли онлайн тарзда ўтказилган сессияда бир неча мамлакат раҳбарлари қатори Ўзбекистон Президенти Шавкат Мирзиёев ҳам нутқ сўзлади.

тўғрисидаги халқаро кодексни ишлаб чиқиш, Ёшлар ҳуқуқлари тўғрисидаги БМТ конвенциясини қабул қилиш, Оролбўйи ҳудудини экологик инновациялар ва технологиялар минтақаси деб эълон қилиш, шунингдек, қашшоқликни бартараф этиш ва камбағалликка қарши курашиш муаммоларини БМТ Бош Ассамблеяси навбатдаги сессиясининг асосий мавзуларидан бири сифатида белгилаш каби таклифлар билан чиқди.

“Биз биринчи марта камбағалликни камайтириш ҳақидаги қатъий қароримизни очиқ эълон қилдик. Бунга тадбиркорликни ривожлантириш ва қўшимча иш ўринлари яратиш, инвестиция ва бизнес муҳитини яхшилаш ҳамда замонавий инфратузилмани барпо этиш, одамларни янги касб-ҳунарларга ўргатиш ва аҳолига манзилли ижтимоий

мой ёрдам кўрсатиш орқали эришмоқдамиз”, дея таъкидлади давлатимиз раҳбари.

Президентимиз тобора ташвишли оҳанг касб этаётган қашшоқликнинг овози бутун дунё ҳамжамиятини, барчамизни безовта қилиши зарурлигини, шу муносабат билан қашшоқликни тугатиш ва камбағалликка қарши курашишни Бирлашган Миллатлар Ташкилоти Бош Ассамблеяси навбатдаги сессиясининг асосий мавзуларидан бири сифатида белгилаш ҳамда ушбу масалаларга бағишланган глобал саммитни ўтказишни таклиф этди.

